

Broj: 01-04-13-01975/2024

Datum: 19.04.2024.godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA**

n/p sekretar mr.sci. Izmir Hadžić

veza vaš akt br. 05/2-02-152/24 od 28.03.2024.godine

n/p- delegat Dževad Hadžić

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE**

n/p- generalna sekretarka mr.sci. Edita Kalajdžić

PREDMET: Odgovor na delegatska pitanja i inicijativu, dostavlja se

Federalna uprava za inspeksijske poslove zaprimila je dana 02.04.2024.godine akt gornji broj koji je delegatska inicijativa i pitanja koja je na 7. sjednici Doma naroda Parlamenta Federacije BiH održanoj 25.03.2024.godine, postavio delegat Dževad Hadžić.

Iz izvoda sadržaja neautorizovanog magnetofonskog snimka sa ove sjednice, upoznali smo se sa pitanjima i inicijativom uvaženog delegata. Isti je istakao, da mu se značajan broj građana Tuzlanskog kantona obratio sa pitanjima vezano za Listu lijekova sa Fonda solidarnosti i Listu lijekova za rijetke bolesti. U vezi sa tim, delegat je koristeći svoje pravo postavio nekoliko pitanja:

- u kojoj fazi je donošenje Strategije o rijetkim bolestima Federacije BiH s obzirom da je prethodna istekla 2020. godine;
- kada se planira donijeti Lista lijekova za rijetke bolesti;

- kada se konačno planira donijeti nova Lista lijekova Fonda solidarnosti s obzirom da je trenutna iz 2019. godine;
- zašto podaci o Listama čekanja pacijenata na lijek nisu javno dostupni na način da pacijent prilikom dobivene preporuke za lijek dobije šifriran kod pomoću kojeg može pratiti svoj red na Listi čekanja;
- zašto pravilnici o načinu dodjele lijeka nisu javno dostupni dokumenti;
- koliko pacijenata imamo na Listi čekanja na lijek duže od 90 dana i koji su lijekovi u pitanju;
- da li svi kantoni ispunjavaju svoje zakonske obaveze uplate sredstava prema Zavoda zdravstvenog osiguranja Federacije BiH;
- ima li Ministarstvo ikakvu Strategiju i plan kako smanjiti liste čekanja i kako riješiti problem nemogućnosti ljudi da dođu do inovativnih lijekova, ili bar način da se snosi dio troškova, kao npr. za lijekove za liječenje akutne B limfoblastne leukemije visokog rizika.

Pored naprijed izloženog seta pitanja, uvaženi delegat je uputio pitanja i Federalnom ministarstvu zdravstva, ali i inicijativu prema Federalnoj upravi za inspekcijske poslove da izvrši nadzor nad UKC Tuzla i utvrdi da li ima nepravilnosti oko mandata vršioca dužnosti direktora UKC-a i oko upisa Federacije BiH u Sudski registar kao osnivača, suosnivača.

Naime, u obrazloženju inicijative prema Federalnoj upravi, uvaženi delegat je pojasnio da su na zadnjoj sjednici Skupštine TK imali priliku razmatrati, odnosno upoznati se sa revizijom, sa Revizionim izvještajem o poslovanju UKC za 2022. godinu i u tom Izvještaju, između ostalog stoji da mandat vršioca dužnosti direktora može trajati maksimalno šest mjeseci a trenutni direktor je u mandatu čini mi se duže od šest mjeseci. Također, i dio koji govori o upisu u Sudski registar, u tom Revizionom izvještaju se navodi da nije upisana Federacija BiH u Sudski registar, a mjera koju predlaže menadžment je da će u narednom roku izvršiti realizaciju, odnosno upisati Federaciju BiH u sudski registar, te delegat traži da FUZIP u inspekcijskom nadzoru provjeri ove činjenice.

U vezi sa predmetnom inicijativom koja je konkretno upućena Federalnoj upravi za inspekcijske poslove, svoj doprinos u pripremi odgovora uveženom delegatu dao je Federalni zdravstveni inspektorat.

Kada je riječ o listama lijekova i liječenje najtežih oboljenja, podjetit ćemo da je Federalno Ministarstvo zdravstva nadležno ministarstvo za Federalni zavod i sve instrukcije, kao i povratna izvješća i planovi se dostavljaju ministarstvu na odobrenje i daljnju proceduru. Za financiranje dijela sredstava (transferi za određene programe) nadležno je Federalno ministarstvo financija koje ove transakcije izvršava u skladu sa Zakonom o izvršenju proračuna. Značajan je utjecaj Parlamenta Federacije BiH prilikom usvajanja Planova i izvješća Zavoda kao i donošenja zakonskih rješenja iz oblasti zdravstva. Sredstva federalnog fonda solidarnosti se osiguravaju iz doprinosa za obvezatno zdravstveno osiguranje i dijelom iz sredstava Proračuna Federacije BiH, putem transfera Federalnog ministarstva zdravstva.

Članom 13. Zakona o zdravstvenom osiguranju, obrazovan je Fond solidarnosti Federacije Bosne i Hercegovine (u daljem tekstu: Federalni fond solidarnosti) u cilju ostvarivanja jednakih uvjeta za sprovođenje obaveznog zdravstvenog osiguranja u svim kantonima, za određene prioritetne vertikalne programe zdravstvene zaštite od interesa za Federaciju, i za pružanje prioritetnih najsloženijih oblika zdravstvene zaštite iz određenih specijalističkih djelatnosti. Time je osigurano financiranje liječenja najtežih oboljenja za sve osigurane osobe u Federaciji BiH pod istim uvjetima, bez obzira na kantonalnu pripadnost pacijenata i financijsku moć kantonalnih zavoda zdravstvenog osiguranja.

Sredstva federalnog fonda solidarnosti se osiguravaju iz doprinosa za obavezno zdravstveno osiguranje i dijelom iz sredstava Proračuna Federacije BiH putem transfera Federalnog ministarstva zdravstva.

Iz sredstava Fonda solidarnosti financiraju se:

1. Lijekovi fonda solidarnosti navedeni u Odluci o listi lijekova Fonda solidarnosti i Naputku o primjeni Odluke o listi lijekova
2. Liječenje povratnika u Republiku Srpsku
3. Liječenja u inozemstvu sukladno Pravilniku o liječenju u inozemstvu

Odlučivanje o davanju suglasnosti za liječenje na teret sredstava Fonda solidarnosti je u nadležnosti kantonalnih povjerenstava koje se nalaze u svim kantonima.

Kada je u pitanju JZU UKC Tuzla, i mandat vršioca dužnosti direktora i provjera upisa u Sudski registar, uvaženog delegata informišemo, da je federalni zdravstveni inspektor dana 13.02.2024 godine izvršio neposredan inspekcijski nadzor u JZU UKC Tuzla, kojom prilikom je postupajućem inspektor predložena sljedeća dokumentacija:

1. Aktuelni izvod iz sudskog registra, matični broj subjekta upisa 4-136 od 10.08.2023 godine izdato Općinskog suda u Tuzli. Osnivač Skupština Tuzlanskog kantona, ugovoreni kapital 0,0 % procenat 0 %
2. Odluka Skupštine Tuzlanskog kantona broj:02-02-308-5/23 od 02.06.2023 godine o stavljanju van snage Odluke o preuzimanju osnivačkih prava na JZU UKC Tuzla, broj: 01-02-308-4/23 od 31.5.2023 godine. Odluka objavljena u „Službenim novinama Tuzlanskog kantona“ broj 9/2023.
3. Odluka o stavljanju van snage Odluke o davanju saglasnosti na Statut JZU UKC Tuzla, broj: 01-02-434-8/23 od 11.08.2023.godine, koja je objavljena u „Službenim novinama Tuzlanskog kantona“ broj: 13/23.
4. Rješenje Vlade Federacije BiH o razrješenju Upravnog odbora JZU UKC Tuzla, protokolirao pod brojem 1043/2023 od 02.08.2023 godine

5. Rješenje Vlade Federacije BiH o imenovanju Privremenog upravnog odbora JZU UKC Tuzla, protokolirano pod brojem 1044/2023 od 02.08.2023 godine (kopija Rješenja predstavlja dio zapisnika)

6. Odluka o imenovanju vršioca dužnosti Direktora JZU UKC Tuzla broj: 01-7-2/23 od 09.10.2023.godine kojom se imenuje Prof.dr.med.sci Danijal Tulumović

7. Rješenje o privremenom imenovanju Upravnog odbora Javne zdravstvene ustanove Univerzitetski klinički centar Tuzla od strane Vlade Tuzlanskog kantona na sjednici održanoj dana 14.11.2023 godine broj: 02/1-33-29924/23 od 14.11.2023 godine. **Upravni odbor imenovan je od strane Vlade Tuzlanskog kantona čini pet /5/ članova, od kojih niti jedan nije predstavnik Federacije BiH što je suprotno članu 64. stav 2 i 3. Zakona o zdravstvenoj zaštiti („Službene novine Federacije BiH“ broj: 46/10).**

U momentu obavljanja inspekcijskog nadzora, direktor JZU UKC Tuzla bio je prof.dr.med.sci. Tulumović Denijal, a Odlukom Upravnog odbora JZU UKC Tuzla za novog vršioca dužnosti, dana 10.04.2024.godine imenovan je Šekib Umihanić.

Vezano za utvrđene nepravilnosti oko imenovanja Upravnog odbora JZU UKC Tuzla, postupajući federalni zdravstveni inspektor će poduzeti aktivnosti u okvirima svoje zakonom utvrđene nadležnosti.

S poštovanjem,

Dostavljeno:


1 x sekretar mr. sci. Izmir Hadživdić

1 x delegat Dževad Hadžović

1 x Generalna sekretarka Vlade FBiH- mr. sci. Edita Kalajdžić

1 x a/a

22-04-2024



RA